



Hå Kontrollutval

Årsmelding 2023





Innleiing

Kontrollutvalet er eit lovpålagt organ, som på vegner av kommunestyret skal føre tilsyn med den kommunale forvaltninga både administrativt og politisk. Kontrollutvalet skal årleg rapportera om aktiviteten og resultatet av arbeidet sitt til kommunestyret. I den forbindelse gir kontrollutvalet ein samla årsmelding for utvalet sitt arbeid.

Årsmeldinga skal gi eit bilde av utvalet sitt formelle rolle, rekneskap, forholdet til revisjonen og sekretariatet, og dei viktigaste sakene som er behandla gjennom året. Årsmeldinga bør sjåast i samanheng med vedtatte planar.

Kontrollutvalet er direkte underlagt kommunestyret, og har derfor ikkje tilsynsansvar for kommunestyret.

Kontrollutvalet sitt arbeid i 2023

Kontrollutvalet har i 2023 hatt 5 møte og har behandla i alt 40 saker. I tillegg kjem referatsaker. For 2024 er det planlagt 5 møte i kontrollutvalet.

Utfyllande informasjon om saker og møta finst på nettsida frå kontrollutvalet;
www.kontrollutv.no.

Tilsyn med forvaltninga

Som eit ledd i tilsynet frå kontrollutvalet med forvaltninga har kontrollutvalet invitert administrative leiarar for å orientere kontrollutvalet i aktuelle saker. I 2023 har det ikkje vore nokon inne frå administrasjonen til å orientera om eget tenesteområde.

Rekneskap og revisjon

Kontrollutvalet har ansvar for å sjå til at kommunen har ei forsvarleg revisjonsordning. Revisor rapporterte om resultatet av sitt arbeid samtidig som årsrekneskapen ble lagt fram. Kontrollutvalet blei òg orientert om planane til revisor for kommande revisjonsår og mottar årleg lovfesta egenerklæring om oppdragsansvarleg revisor sin uavhengigheit.

Kontrollutvalet har i tråd med regelverket behandla følgjande saker knytt til rekneskapen og budsjettet til kommunen:

- kontrollutvalet gav utsegn om årsrekneskapen til Hå kommune og årsberetning 2022 til kommunestyret
- forenkla etterlevelseskonsroll (FEK) Hå kommune 2022
- orientering om rekneskapen til kommunen pr. 1. tertial 2023
- orientering om rekneskapen til kommunen pr. 2 tertial 2023
- vedtatt budsjett for kontroll og tilsyn 2024



Revisor hadde ingen merknader i revisjonsberetningen eller årsoppgjersnotatet som kravde særskild oppfølging for kontrollutvalet.

Forvaltningsrevisjon

Kontrollutvalet skal ifølge [forskrifta](#) rapportera til kommunestyret om kva forvaltningsrevisjonar som er gjennomførte og om resultata av desse. Rapportane med funn og anbefalingar, samt kommentarane frå kommunedirektøren, er derfor oversendt kommunestyret for sluttbehandling fortløpande.

Kontrollutvalet har bestilt følgjande rapportar i 2023:

- «Hå kommune sitt kompetansebehov», bestilt 7.juni 2023 (300 timer). Estimert levering i juni 2024.

Kontrollutvalet har behandla følgjande rapportar i 2023:

- «Heltid/deltid», behandla 7.juni 2023.

Kontrollutvalet har hatt følgjande rapportar til oppfølging i løpet av 2023:

- «Avvik, rapportering og læring», følgt opp 7.juni 2023.

Andre bestillingar vil skje i samsvar med vedtatt budsjett for 2024 og eventuelt omsøkte løyvingar. Kontrollutvalet har direkte innstillingsrett til kommunestyret ved realitetsbehandling av saker om forvaltningsrevisjonsrapport/undersøkingar. Når kontrollutvalet har behandla ein forvaltningsrevisjonsrapport, blir den oversend kommunestyret for sluttbehandling. Det same gjeld for oppfølging av kommunestyrevedtaket knytta til tidlegare gjennomførde forvaltningsrevisjonar og eigarskapkontrollar.

Eigarskapkontrollar

Kontrollutvalet har ansvar for å sjå til at det ført kontroll med forvaltning av interessene frå kommunen i selskap m.m. (eigarskapkontroll). Eigarskapkontrollar skal gjennomførast i samsvar med gjeldande plan for eigarskapkontroll vedtatt i kommunestyret og innanfor vedtatt budsjettramme.

Kontrollutvalet i Hå har ikkje bestilt eller behandla eigarskapkontrollar i 2023. Lyse AS vil bli levert i junimøtet 2024.

Budsjett og rekneskap for kontrollutvalet

Kontrollutvalet har i tråd med [forskrift](#) utarbeidd forslag til budsjett for kontroll og tilsyn for 2024. Budsjettforslaget frå kontrollutvalet kan berre endrast av kontrollutvalet sjølv, eller i



den politiske behandlinga i formannskapet og kommunestyret. Budsjettet til selskapa som kommunen kjøper tenester frå blir fastset av styret/representantskapet i selskapa.

Kontrollutvalet opptrer på vegner av og er direkte underordna kommunestyret. Det er derfor av betydning for kommunestyret å vere kjent med vurderinga frå kontrollutvalet av det økonomiske behovet for kontroll- og tilsynsarbeid. Budsjettforslaga frå kontrollutvalet blir derfor sende kommunen for framlegging i kommunestyret saman med dei samla budsjettforslaga frå kommunen.

Kontrollutvalet har i løpet av året behandla tertialvise rekneskapsrapportar for eige budsjettområde for å følgje opp budsjettansvaret sitt.

Anna

Kontrollutvalet skal rapportere resultatet av sitt arbeid til kommunestyret. Som eit ledd i dette har kontrollutvalet utarbeidd årsmelding for 2022 og årsplan for 2024. Begge er sende til kommunestyret til orientering.

Kontrollutvalet har vedtatt møteplan for 2024.

Kompetanse og opplæring

Det blir stadig stilt større krav og forventningar til kompetansen frå kontrollutvalet, både frå det politiske miljøet og innbyggjarane til kommunen. Kunnskap om rolla frå kontrollutvalet, oppgåver, og lovverk er nødvendig for å utføra dei oppgåvene som kjem fram av lov og forskrift.

Slik opplæring og kursverksemd kan skje lokalt eller gjennom sentrale tilbod. Kontrollutvalet blir invitert årleg til «Landskonferansen for kontrollutval», i regi av Norges kommunerevisorforbund og «Fagkonferansen» i regi av Forum for kontroll og tilsyn.

I starten av valperioden blir det gitt opplæring i ulike tema frå sekretariatet, revisjonen og kommuneadministrasjonen.

Organisering

Kontrollutvalets administrasjon

Kontrollutvalet skal ha ein eigen administrasjon for at utvalet skal vere uavhengig av både revisor og den kommunale administrasjonen. Det er Rogaland Kontrollutvalgssekretariat som ivaretar administrasjonssoppgåvene for kontrollutvalet i Hå.

Kontrollutvalssekretariatet er støttespelar for kontrollutvalet og er viktig for eit godt og effektivt kontrollarbeid i utvalet. Sekretariatet skal sjå til at dei sakene som blir behandla av



kontrollutvalet er forsvarleg greidde ut og at utvalet sitt vedtak blir sett i verk. Sekretariatet bistår vidare kontrollutvalet med mellom anna oppgåver knytt til administrasjon, rådgiving og koordinering. I det løpande arbeidet er sekretariatet bindeledd mellom kontrollutvalet, revisjonen og kommuneadministrasjonen.

Den som utfører sekretariatsoppgåver for kontrollutvalet, er direkte underordna kontrollutvalet og skal følgja dei retningslinjene og pålegg som utvalet gir.

Revisjonen

Hå kommune kjøper revisjonstenestene sine frå Rogaland Revisjon IKS. Revisjonen utfører rekneskapsrevisjon, forenkla etterlevelseskontroll, forvaltningsrevisjon og eigarskapkontroll for kommunen. I tillegg kan revisor gjennomføra andre oppdrag etter avtale. Revisor har møte- og talerett på møta til kontrollutvalet.

Kontrollutvalets medlemmer

Medlemmer:

Kaj Stokkeland	(Leiar)	Hå-lista
Bente Iversen	(Nestleiar)	SV
Anette Vigrestad		H
Alf Kåre Sirevåg		INP
Sjur Håland		SP

Varamedlemmer:

Madelen Mæland	Hå-lista
Raine W Nicklasson	SV
Petter Andre Sirevåg	H
Kjersti Skjæveland	KrF
Lars Madland	Sp

Møtesekretær:

Mari Rage Bråstein

Varhaug, 7. februar 2024

Kaj Stokkeland, leiar

Dette dokumentet er elektronisk godkjent og treng ikkje signatur